

六合縣續志稿卷二

地理志中 山脈 水道

山脈

六合諸山遠自安徽天柱山脈分支而東經滁州盱眙來安間至

天六二縣東結為冶山鄂二省桐柏大分水嶺為天柱山脈上自豫

即天柱山此山東北行為大潛山又東北至廬州境北分支三北

支迤入懷鳳一帶中支東北行經全椒滁州北為五尖山磨盤山

張八嶺又東經盱來間為嘉山為清河嶺馬嶺又東經一天六間為

釜山烏石山瓜蔓山治山又東入儀揚朱子所謂另生一支至揚

州而盡者也以水證之中支出脈處南為滁河發源北為池河發

源池入淮滁入江定遠盱眙天長各水入池入淮入洪澤湖入界

甚南支東南行經巢縣含山和州為東西黃山為大小峴山為如

方山夾山入江浦為四馬山西華山定 冶山在縣東北高百餘丈

山又東入六合為縣境滁河南岸諸山

周數十里凡九十九峯實六合儀徵天長三邑之鎮山也冶山之

陰為天長東出為蜀岡入儀徵儀徵志云岡自治山蜿蜒入其入

六合境者西南行三里餘為唐公山一山突起作金星穿田而南

為屏山一帶 結縣治者 自唐公山分二支一西南行十里為黃董山為屏山

屏脈自唐公山出馬鞍山又其脫結者 又南行十餘里曰馬鞍

山 支別派瓜颺漫衍 又十里為縣治 中脈出結縣治 至滁河止

一西行十五里為北獨山轉而南行數里為黃泥壩又西南行數

里曰練山折而東南十里曰長山其由烏石山分支東南行六七

里曰趙家山又二三里轉西南曰盤石山由趙家山東行而南曰

巴山其在烏石山之西有桃葉山分支二一曰三山一曰烽火山

皆盱眙轄境其在竹鎮河之西諸山由來安西龍山分支入境為

仙人山祠山由祠山而東曰東龍山一山西入來安里人呼為

六合縣續志稿

卷二

地理中

一

山西龍山 東南行十餘里曰青龍山又十餘里突起於平地曰獨山其龍山西北又有熨斗涼帽芝蔴嶺諸山皆與龍山連屬其在冶河以東諸山由天長分水嶺迤邐南下入縣境曰金牛山山下有河相傳古禹王河故道源流詳後其隔河而對峙者曰癩石山由金牛西南十五里曰馬頭山又五里曰塔子山由塔子山西南行五六里為西陽山分支二一東南行十餘里曰橫山由橫山東行十里曰方山一在橫山右側東南行十餘里為靈巖山又東南行數里為瓜步山雍正志云狀如瓜踞瓜步鎮南脈從靈岩來蔓延結凡起伏者屢而後到頭一瓜圓秀孤聳當江與河之滙處為河砥柱為江華表蓋邑中由瓜步屈曲東行曰紅山古名赤山逾河五十四流之水口山也 為石帆山雍正志云石帆山從瓜步一脈生而穿江底以峙於其中今滁河南岸自明以來皆成沙洲山在河南此皆滁河北岸之山也其在滁河南岸瀕江之山則自江浦龍洞西

六合縣續志稿

卷二

地理中

二

華馬鞍諸山迤邐東行而為定山定山舊名六合山縣之得名以此自明初析置江浦縣山隸浦轄江浦埤乘云明析縣後山南北皆隸浦境浦六分界處去此山尚距十餘里而六合李志猶云五峯在六合惟獅子一峯入江浦誤矣由定山東北行十餘里曰朱家山又數里曰盤城山折而東南行十餘里為宣化山江浦埤乘引六合舊志云脈自盤城山來過峽處有國門關關外有浦六分界碑江浦埤乘又東為晉王山一名桃葉山雍正志云自定山中峯抽一脈北奔六合方十里許旁出一支蜿蜒起伏盤逆大江作浦子口下砂石脚插入江中又東而北緣江起伏十餘里為九連山其下回溜逆轉賴其留聚 曰九連凹又東北為太子山一支由北而東至水家灣為牟尼山雍正志云縣南二十里脈從定山來又東至林家舖止一支北行至毛許墩堡白龍王廟山止通計全境山脈約分四系曰冶山山系定山山系金山山系東龍山山系

縣境北枕山南瀕江滁河貫其中全境之水皆入滁滁實為六合之幹河也其源有二一發源於合肥之黃山黃山長百餘里澗泉之水皆注焉東過含山黃鶯山昭關諸水入之又東過和州雞籠山如方山諸水入之又東過全椒武進山籠山鄭山諸水入之又東過江浦孟澤山湯泉山七岳山諸水入之又東與襄水合襄水即滁全二州縣水所匯之河也又東入滁河自三汊河以下至六合皆謂之滁河一發源於滁州西北之清流關府志云此水俗呼天河又呼後河定遠之大橫山來安之嘉山滁之豐山諸水入之又東過烏衣河至石潭與襄水合又東入滁河以上江浦乘埤在來安者名沙河源出縣北馬嶺山南流而東經縣城高官龍尾水自西注之又南至水口鎮過板橋大小澗水自徐家溝西來注之又南至小河口入清流河轉而東至汊河集以上來安志三河交

六合縣續志稿

卷二

地理中

三

會於江浦北境曰三汊河其鎮名曰汊河集在江浦縣境又東十里至六合西南境張家堡滁河至張家堡分流由新挑河東南曲折行十餘里至浦口入江是為洩滁之第一支河滁河由張家堡東北行五里至王家渡有一山河經魏詹橋詹家橋東南來入之又五里至魏詹橋堡小頭李有馬昌河東來入之源流詳後又北行至廣佛寺堡王家窰有吳沛水自來安西來入之源流詳後又北而東至陳家渡灣環紆曲又十里至皂河口有竹鎮河自西北來入之源流詳後由皂河而東十里有陳駕港之水北入之又十餘里有黃查橋水北入之塚石橋水南入之又東南行十餘里曰楊家河由楊家河環行數里曰葫蘆套形如葫蘆浮水滁河自西來兩曲環繞相望僅數十步而河身則遠數里又東行約十里至縣治南城外龍津橋緣城東行至龍王廟冶河自北來入

之源流詳後 滁河至此轉而南行曰石脚灘一曰果老灘又東南二里

許有篋纜橋之水自東北入之又十餘里至惜水灣即今大小長灣曲折瀦洄

三繞靈巖兩經滁口有單家橋茅家橋諸水自東北入之又東南行數里曰

長蘆河一曰河子溝有陳里港之水南入之又數里曰岳子河分

流西南行十里許至關門橋入江是為洩滁之第二支河又東南

行數里曰瓜步鎮依瓜步山麓瀕滁河又東三里曰上擺渡南岸

有通江集河又名二套口長十里南行入江是為洩滁之第三支

河又東行四里曰潘擺渡南岸有沙河亦曰新河長六七里而達

於江是為洩滁之第四支河又東行十里曰紅山窰亦曰老虎頭

其南岸分流入江之河曰划子口河又名斷腰口長十里以達江

是為洩滁之第五支河由老虎頭東行十五里北岸有東溝河合

六合縣續志稿

卷二 地理中

四

方山南面之水經滙濟橋以入焉又東南行十五里而出大江曰大河口是為滁河入江之正道距大河口東二里曰小河口為古禹王河入江之道其上游近東溝處亦分流由東溝入滁自滁河西南入縣境由張家堡曲折東下至大河口計水程一百九十餘里

馬昌河源出縣南盤城山合石子岡藏軍營郝家塘之水經葛

塘集西流至接待寺魏詹橋二堡間小頭李入滁河河已淤塞水大則河

口散漫水小則成灘地

吳沛水源出來安西龍山大石砬南流十二里過施官集界首

橋又東南至下灣二水合流又東南二十五里入赤山湖交六

合縣界

三國時吳作涂塘築瓦梁堰於此亦稱吳堰今水稱吳沛以此以上來安縣志

又東經六合

廣佛寺堡王家窰入滁河

竹鎮河有二源一出縣境西北天來二邑交界之三山俗呼三山窰

東南行至烏龍港又數里至均樸橋又東南行四十餘里合西

北諸山之水而為竹鎮之東河一發源於竹鎮西北丁家衝之

冷泉竹墩記畧云水湧地穴甘冷絕異經青龍澗十里合西龍泉記畧云刁家壩西有龍泉

泉出山頂曲折而下東凌泉記畧云泉主係本邑凌姓聞之曲折而下此泉濬自宋時活活東注

西大跳而為竹鎮之西河二河至鎮合流東南行八九里有巴

山大聖廟之水自東入焉又東南行十餘里東有侯家橋盤石

山之水西有曲澗寺獨山之水入焉又東南行七八里東受松

巒岡之水西有一河自青龍岡東行經三德橋來會河形至此

成三角勢故名曰三汊河由三汊河南行少西十里至皂河口

六合縣續志稿

卷二

地理中

五

入滁河

按雍正志載有皂河濁河而無竹鎮河光緒志載有竹鎮港考縣治西北止竹鎮一河其入滁河處曰皂河口

皂河別無上源源即竹鎮河並無濁河可疑疑濁皂音近自其水之渾濁而言曰濁河曰皂河實則一竹鎮河也

治河發源於縣治東北之冶山其流斷續隱現行數十里至頭

牌鎮匯馬頭山之水河流始旺可通舟楫又西南行十餘里至

八百橋又數里東受塔子山之水西有屏山以東之水由沈家

橋入焉又十餘里東受西陽山之水西受長壩橋之水又西南

行十餘里曰永定河東受永定橋之水西有蘆門橋導馬鞍山

以東之水入焉又南行數里曰冶浦河經冶浦橋至龍王廟渡

口入滁河

古禹王河嘉慶府志云在六合縣東北二十五里由盱眙聖人

山歷黑林橋至天長桐城鎮楊村繞縣境之金牛山歷新簧巷

木谿圩堠子舖王子廟數十里而至東南方山下儀徵之白茅
坂以達於此其河流之故道也